



THE REPUBLIC OF UGANDA  
MINISTRY OF HEALTH

# MPOX

## GIN AME MYERO INGE

Mpox (Onwo yat olwongo ni Monkeypox) obedo two akudi atino ape wan oromo neno iwangwa kelo dano nwongo iya ibot leeyi) ame nwongere ilobo ocol i dyere piny kede tun-poto ceng me Afrika dok ikare okene kobo itwak piny me Afrika apapat.

Mpox kudi atitino ame pe neno iwang aye kelo. Anyut-tere tye bali en ame nen ikom otwo me nyamcuna, ento me nyamcuna pe rac tutwal.

### Anyut kede anen:

- Del komi core
- Lyeto
- Dwon ocore
- Abar-wic
- Rem-kom
- Rem idinge dano
- Gupu anak
- Kwokwota awangmac



### Kobo ningo?

- Ka dano orwate kede dano okene:
  - Rwate onyo gudu del-kom dano kede pig-kome apapat.
  - Wayo yamo ame tye kede kudi man.
  - Yore ame okobo ni kobo kede atek obedo butu imit.
  - Jami ame kede kudi man calo ba, picu, kedo kom, cuka me kabutu, bongi, jami me cem, jami oyiko ame otio kede calo kom icoo me butu imit ikin en okene apol.
- Two Mpox kobo bot dano okene kun nwongo orwate acok kede dano ame tye kede two onyo lee onyo otio kede jami ame two tye iye.

### Nga ame twero nwongo Mpox oyotoyot?

Joo ame tye acok kede otwo me Mpox, calo ba wati me yii-ot, joo ame irwate kede ibutu imit (medo naka olaya).

Joo ame tye agwoko otwo me Mpox abongo tic kede jami me gwokere iyore aber.

Joo ame dwaro, neko, mako, yango eka te tedo leeyi calo ayita, obagu, oyoo kede onger.

Joo ame tio i jot pimo otwo abongo tic kede jami me gwokere iyore aber.

Otino, mon ayac, kede joo akomgi goro pi kop me lit kom okene.

Joo ame rwate ibutu imit kede joo apol kede/onyo maro butu imit kede joo ame en pe ngeyo.

Kadi bed ni joo okene gum gi me nwongo twoo ni dwong loo joo okene, piretek me ngeyo ni ngatoro keken, ikanoro keken twero nwongo Mpox

**Pi ngec okene atut, kubere kede dul ame loo yotkom inama gi me nono: 0800 100066 onyo cwal waraga me yii cim me nono bot U-Report inama 8500.**

### Itwero gwokere ningo wek pe inwong?

- Pe ibed acok wang-iwang, gudo (del ikom del, dog ikom del kede dog ikom dog) ame irwate kede joo ame omoko ni tye kede two Mpox onyo tye kede anyut kede neno me two Mpox.
- Gwokere ikom mako kede leyo jami adano calo ba kabutu, jami me cem, bongi, cim onyo jami adano ame tye kede anyut kede anen me two Mpox.
- Gwokere ikom gudu leeyi me wii tim ducu (kaddi kwo onyo otoo), polere wok en ame ongeyo ni kobo kudi me two man calo ba oyoo kede onger, kede en ame nen calo kom-gi lit onyo en ame inwong ame otoo oko.
- Gwokere ikom camo leeyi me wii tim (Ayita, obagu, oyoo kede onger)
- Otwero miyo yat agwera me two nyamcuna bot joo ame ogudu dano ame tye kede two ni onyo joo ame gum gi me nwongo two man tye malo.